


Fase Dos di Linear Park Avansando cu Pasonan Grandi y Firme



klinkers y apesar cu e area tin varios palo di kwihi cu ta duna un frescura y sombra, otro partinan di e ruta mester

di un poco landscaping. Sin duda algo prome cu fin di aña Aruba lo tin su di dos fase di Linear Park cla. Otro proyec-

to di Gabinete Mike Eman pa eleva e calidad di producto Aruba y eleva e calidad di bida di e ciudadano.

ORANJESTAD (AAN): Trabounan di construccion di Fase 2 di Linear Park ta canando di un manera perfecto y ganando e admiracion di tur esnan cu ta wak su avance. Sea cu ta transita e caminda ey tur dia of de bes en cuando, ta hala atencion con di un manera regular e trabounan ta canando y poco poco ta kedando cla. Ehecuto na Arubaanse Wegenbouw Maatschappij, e proyecto aki a cuminsa na luna di augustus y manera tur cos ta pinta, lo finalisa manera a priminti, na luna di december.

E expectativa y entusiasmo a asina grandi den comunidad cu algun no por a warda su apertura y ya caba a cuminsa haci uzo di e looppad. Manera ta conoci, un cantidad grandi di persona ta cana tur atardi riba e trayecto di e prome fase di Linear Park cu ta di Plasa Turismo pa Plasa Wilhelmina riba L.G. Smith Boulevard, pero nan condicion y gana di haci mas movecion a pidi pa un ruta mas largo. Pa complace nan

tambe Gobierno di Aruba a duna prioridad na ehecucion di e Fase 2 di Linear Park cu ta bay for di Rotonde Las Americas te sede di Brandweer na aeropuerto.

Teniendo cuenta cu ainda tin mashin y klinkers aki y aya, algun persona ya caba ta canando tur atardi riba e extension nobo di Linear Park. Tambe esnan cu regularmente ta gusta wak e avionnan subi y baha, a ripara cu rond di nan cosnan a cambia drasticamente. E planan di e Fase 2 a incorpora e dos afdaknan existente y awor esakinan ta rondona pa su debido espacio, e looppad y fietspad pa pasa banda di nan, pero tambe, un luga di parkeo adecua.

E fietspad y looppad ta suficiente hancha pa acomoda e trafico di persona y bicicleta cu ta calcula Linear Park ta bay ricibi. A tene cuenta cu tur cos pa comodidad y seguridad di e usuarionan. Loke ta keda falta awo ta e ultimo tokenan pa cera e ultimo espacionan cu ainda mester pone